

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U ŽIVINICAMA
Broj: 033-0-Su-26-000366
Živinice, 08.05.2026. godine

BOSNE I HERCEGOVINE
FEDERACIJA BOSNE I HERCEGOVINE
TUZLANSKI KANTON

SKUPŠTINA TUZLANSKOG KANTONA

PREDMET: Informacija o radu suda u 2025. godini

Veza: Vaš akt 02-02-586-38/25 od 05.05.2026. godine

Programom rada Skupštine TK za 2026. godinu predviđeno je razmatranje informacije o radu sudova za 2025. godinu u Tuzlanskom kantonu za mjesec maj tekuće godine, a o čemu ste nas obavijestili Vašim aktom broj 02-02-586-38/25 od 05.05.2026. godine i istovremeno pozvali da Vam dostavimo potreban materijal u svrhu navedene aktivnosti. U vezi sa navedenim dostavljamo Vam informaciju o radu Općinskog suda u Živinicama u 2025. godini kako slijedi.

I – UNUTRAŠNJA ORGANIZACIJA I KADROVSKA OSPOSOBLJENOST SUDA

Rad Općinskog suda u Živinicama i Odjeljenja suda u Kladnju (koje egzistira kao samostalna organizaciona jedinica unutar suda) organizovan je u 2 sudska odjeljenja, u okviru kojih postoji više odsjeka i referata, i to:

- Odjeljenje sudske uprave, u okviru kojeg su Odsjek sudske pisarnice i Odsjek za računovodstvene i materijalno-tehničke poslove,
- Građansko odjeljenje, u okviru kojeg su parnični, vanparnični referat i izvršni referat,
- Krivično odjeljenje, u okviru kojeg su krivični i prekršajni referat,
- Odjeljenje za zemljišnoknjižne poslove.

Sistematizacijom broja nosilaca pravosudnih funkcija utvrđenom od strane Visokog sudskog i tužilačkog vijeća BiH u Općinskom sudu u Živinicama sistematizovane su pozicije za 15 (petnaest) redovnih sudija, i to predsjednica suda i 14 (četrnaest) redovnih sudija, 3 (tri) dodatna sudije i 4 (četiri) stručna saradnika. Dakle, uzimajući u obzir poziciju predsjednice suda, u sudu su sistematizovane pozicije za ukupno 22 nosioca pravosudnih funkcije. U sudu je tokom 2025. godine bilo popunjeno 13 pozicija pravosudnih funkcija, uključujući i predsjednika suda.

REDOVNI SUDIJA	DODATNI SUDIJA	STRUČNI SARADNIK
15	3	4

Tabela I.1. Sistematizacija broja nosilaca pravosudnih funkcija

REDOVNI SUDIJA	DODATNI SUDIJA	STRUČNI SARADNIK
13	0	0

Tabela I.2. Popunjenost pozicija nosilaca pravosudnih funkcija

Na osnovu ukupnog broja predmeta u radu u 2025. godini angažovane sudije raspoređene su na:

- Građansko odjeljenje (parnični, vanparnični i izvršni referat), 7 sudija od kojih 4 sudija na parnični i vanparnični referat, 2 sudija na izvršni referat i jedan sudija raspoređen u Odjeljenje suda u Kladnju na parnični i vanparnični referat.
- Krivično odjeljenje (krivični i prekršajni referat), 5 sudija, od kojih 4 sudija na krivični referat i prekršajni referat i 1 sudija na prekršajni referat.

Prema instrukciji Jedinice za efikasnost pravosuđa izvršena je korekcija Plana u odnosu na sutkinju Bešić Vesnu, Šljivić Fahrudina, Džihanović Huseina, Delić Fikretu i Alić Mersihu.

U Općinskom sudu u Živinicama u 2025. godini došlo je do Fluktuacije nosilaca pravosudnih funkcija, naime sudiji sudiji Huseinu Džihanoviću prestao je mandat zbog odlaska u penziju sa danom 28.10.2025. godine.

Osim učestale fluktuacije nosilaca pravosudnih funkcija izražena karakteristika u Općinskom sudu u Živinicama je i starosna struktura istih. Naime, 4 od ukupno 12 sudija u Općinskom sudu u Živinicama ima više od 60 godina starosti, od kojih je jednom sudiji u mjesecu oktobru 2025. prestao mandat zbog odlaska u penziju. Starosna struktura predstavlja jedan od čimbenika koji utiču na efikasnost rada kao jednog od dva glavna faktora u radu suda (kvalitet i efikasnost).

Tokom 2025. godine zabilježeno je ukupno 391 dana opravdanog odsustva sudija. Ova odsustva su imala negativan efekat na rad Krivičnog odjeljenja suda jer je sudija Fahrudin Šljivić 116 dana i sudija Mersiha Alić 91 dana. Također, duže odsustvo sudija zabilježeno je i na Građanskom odjeljenju, i to sudije Fikreta Delić, koja je raspoređena na izvršni referat u ukupnom kumulativnom trajanju od 70 radnih dana i Vesna Bešić raspoređena na parnični i vanparnični referat 80 radnih dana.

Funkciju predsjednika odjeljenja u 2025. godini obavljalo je dvoje sudija i to sudija Asmir Karić na Krivičnom i sutkinja Lucija Tadić na Građanskom odjeljenju. Općinski sud u Živinicama je u toku 2025. godini proveo niz aktivnosti u cilju jačanja uloge predsjednika odjeljenja i njihove veće angažiranosti s ciljem kvalitetnijeg i efikasnijeg rada sudskih odjeljenja (insistiralo se na redovnom održavanju sjednica sudskih odjeljenja i dostavljanja zapisnika sa održanih sjednica).

Općinski sud u Živinicama je tokom 2025. godine primio u radni odnos tri namještenika, od čega dva Viši referent –daktilografa i jedan Viši referent za prijem i otpremu pošte. Međutim, kao i kod nosilaca pravosudnih funkcija, Općinski sud u Živinicama karakteriše visoka prosječna starost namještenika. Znatnom broju namještenika ovog suda ostao je kraći period do stupanja u penziju (manje od 3 godina). Za četvero namještenika nadležne institucije donijele su rješenja o određenom

stepenu invalidnosti ili smanjenoj sposobnosti za rad. U ovakvim okolnostima rad namještenika nije dovoljno efikasan i ne daje potreban učinak.

Općinski sud u Živinicama obavlja svoju funkciju u tri zgrade čije se stanje generalno može ocijeniti kao loše i neuslovno. Zgrada u kojoj je smješteno Zemljišno-knjižno odjeljenje je građena 50-tih godina i ista je u veoma lošem stanju. Matična zgrada suda je građena 60-tih godina i u njoj su dotrajale električne instalacije, te su uobičajni problemi sa električnim spojevima i prestanka napajanja električnom energijom potrošača u zgradi, pucanje zidova, otpadanja fasade i sl. Zgrada nema zadovoljavajuće smještajne kapacitete za potrebe suda, namještaj i inventar u sudu su u veoma lošem stanju (namještaj star više od 30 godina). U ovakvim uvjetima je neophodno obezbijediti grijanje, materijal, održavanje, popravke i druga materijalna sredstva i sredstva za rad za sve tri zgrade suda. Uprava suda je uspijevala osigurati materijalna sredstva i sredstva za rad u mjeri neophodnoj da ne dođe do zastoja u radu.

U pogledu materijalnog statusa suda stanje se djelimično unaprijedilo rekonstrukcijom krova zgrade Odjeljenja suda u Kladnju i djelimičnom rekonstrukcijom elektroinstalacija u matičnoj zgradi suda. Međutim, stanje nije ni blizu zadovoljavajućem i potrebna su znatna sredstva za slične i istovjetne rekonstrukcije u sve tri zgrade suda. Pored toga sud raspolaže samo jednom većom sudnicom u kojoj se moraju održavati sva suđenja sa krivičnog, parničnog i vanparničnog referata sa većim brojem učesnika u postupku, kao i u postupcima u kojima se vrši tonsko snimanje, a što u velikoj mjeri utiče na efikasno postupanje po predmetima korupcije i organiziranog kriminala u kojima se mora održavati dinamika suđenja što ovaj sud ne može izvršiti u ovakvim uslovima rada.

II - OSTVARENA NORMA U IZVJEŠTAJNOM PERIODU

U toku 2025. godine sud je ostvario kolektivnu normu od 102,24%. Većina nosilaca pravosudnih funkcija, njih 10 od ukupno 13, ostvarilo je godišnju normu u 2025. godini. Troje sudija na Krivičnom odjeljenju nisu ostvarili propisanu godišnju normu.

Uzimajući u obzir okolnosti u kojima je sud radio u 2025. godini, i to:

- generalno loše i neuslovno stanje objekata u kojima sud radi (podrobnije objašnjeno u devetom pasusu prvog poglavlja izvještaja),
- česta odsustva nosilaca pravosudnih funkcija i namještenika usljed zdravstvenog stanja i
- učestala nedostupnost stranaka u sudskim predmetima, kao i nemogućnost uručenja sudskih pismena i održavanja ročišta u istim, zbog promjene mjesta boravišta i odlazaka na privremeni ili stalni rad u inostranstvo,

ostvarena kolektivna godišnja norma može se smatrati više nego zadovoljavajućom.

III - OSTVARENI KVALITET U IZVJEŠTAJNOM RAZDOBLJU

Sud je u toku izvještajnog perioda donio ukupno 5158 odluka na koje se može izjaviti pravni lijek o kojem ne odlučuje sudija pojedinac, onaj koji je donio osporenu odluku. Drugostepeni sud je u toku 2025. godine odlučio o 523 pravnih lijekova izjavljenih na odluke ovog suda, i to kako je prikazano u sljedećoj tabeli.

Broj donesenih odluka na koje se može izjaviti pravni lijek	Broj ožalbenih odluka	Broj odbačenih pravnih lijekova	Broj potvrđenih odluka	Broj preinačenih odluka	održane glavne rasprave ili pretresa pred	Broj ukinutih odluka	Broj djelimično ukinutih odluka	Kvalitet sudskih odluka
5158	523	1	381	72	1	52	17	91,54 %

Tabela II.1. Kvalitet sudskih odluka u 2025. godini

Općinski sud u Živinicama je imao 523 ožalbenih odluka u 2025. godini, od čega je bilo 381 potvrđenih odluka, 72 preinačenih odluka, 52 ukinutih odluka i 17 djelimično ukinutih odluka. Broj potvrđenih odluka je bio najveći na parničnom i krivičnom referatu što je razlog nešto većeg kvaliteta sudskih odluka u odnosu na ranije godine.

U Općinskom sudu u Živinicama mišljenja smo da je nepostojanje ujednačene sudske prakse jedan od osnovnih razloga zbog kojih kvalitet sudskih odluka nije bolji. Naime, kako se može primijetiti, u velikom broju pravnih pitanja sudska praksa se često mijenja, mijenjaju se stavovi, a veće sudske instance u određenim situacijama u kojima se razmatraju ista ili slična činjenična i pravna pitanja donose različite sudske odluke. Ovakve pojave utiču na kvalitet rada svih sudova u Bosni i Hercegovini, pa i na kvalitet rada Općinskog suda u Živinicama. Generalno, ovaj problem je naročito izražen u krivičnim predmetima, za koje su više sudske instance mijenjale stavove u smislu da je zauziman strožiji kriterij kod određivanja i produženja mjera prisustva, donošenja odluka o mjerama zabrane i slično.

IV - OSTVARENI REZULTATI U IZVJEŠTANOM RAZDOBLJU U POGLEDU BROJA RIJEŠENIH I NERIJEŠENIH PREDMETA

Sud je na početku izvještajnog perioda imao ukupno 6872 neriješenih predmeta, od čega 5779 u Živinicama i 1093 u Kladnju. U toku 2025. godine primljeno je 7514 predmeta, od čega 6480 u Živinicama i 1034 u Kladnju. Sud je dakle imao ukupno 14386 predmeta u radu u 2025. godini. U izvještajnom periodu riješeno je 7185 predmeta, od čega 6206 u Živinicama i 979 u Kladnju. Na kraju izvještajnog perioda, na dan 31.12.2025. godine, preostalo je 7201 neriješenih predmeta, od čega je 6053 u Živinicama i 1148 u Kladnju. Protok predmeta u 2025. godini po referatima prikazan je u narednoj tabeli.

Referat	Broj neriješenih predmeta na početku perioda	Priliv	Broj predmeta u radu	Riješeni	Broj neriješenih predmeta na kraju perioda	Promjena broja neriješenih predmeta	Stopa rješavanja priliva
IZVRŠNO	1969	1397	3366	1410	1956	-13	100,93%
KRIVIČNO	678	864	1542	1039	503	-175	120,25%

PARNIČNO	1072	1242	2314	1325	989	-83	106,68%
PREKRŠAJNO	2234	2632	4866	2046	2820	+586	77,73%
SUDSKA UPRAVA	3	30	33	33	0	-3	110%
VANPARNIČNO	916	1342	2258	1325	933	+17	98,73%
UKUPNO	6872	7514	14386	7185	7201	+329	95,62%

Tabela III.1. Protok predmeta u 2025. godini

Iz protoka predmeta je vidljivo da je u 2025. godini došlo do povećanja broja neriješenih predmeta za 329 predmeta. Međutim, razmotri li se promjena broja neriješenih predmeta po referatima, možemo vidjeti da je na prekršajnom i vanparničnom referatu došlo do povećanja broja neriješenih predmeta dok je na ostalim došlo do smanjenja broja neriješenih predmeta.

Priliv predmeta u 2025. godini povećan je za 587 predmeta u odnosu na 2024. godinu (za 8,47%). Poređenje priliva predmeta u 2025. godini u odnosu na 2024. godinu po referatima dato je u narednoj tabeli.

Referat	Broj primljenih 2024	Broj primljenih 2025	Promjena broja primljenih predmeta	Procentualna promjena broja primljenih predmeta
IZVRŠNO	1645	1397	-248	-15,1%
KRIVIČNO	793	864	+71	+ 8,95%
PARNIČNO	1309	1242	-67	-5,11 %
PREKRŠAJNO	1944	2632	+688	+35,40%
SUDSKA UPRAVA	20	30	+10	+50,00%
VANPARNIČNO	1216	1342	+126	+ 10,36%
UKUPNO	6927	7514	+587	+ 8,47 %

Tabela III.2. Poređenje priliva predmeta

Povećanje priliva predmeta zabilježeno je na krivičnom, prekršajnom, vanparničnom referatu i predmetima sudske uprave, dok je na ostalim referatima u odnosu na 2024. godinu došlo do smanjenja priliva.

Ukupan broj riješenih predmeta u 2025. godini veći je za 947 predmeta u odnosu na 2024. godinu (za 15,18%). Poređenje broja riješenih predmeta u 2025. godini u odnosu na 2024. godinu po referatima dato je u narednoj tabeli.

Referat	Broj riješenih 2024	Broj riješenih 2025	Smanjenje broja riješenih predmeta	Procentualna promjena broja riješenih predmeta
IZVRŠNO	1106	1410	+304	+27,48%
KRIVICHNO	692	1039	+347	+50,14%
PARNICNO	1543	1325	-218	-14,89%
PREKRŠAJNO	1640	2046	+406	+14,12%
SUDSKA UPRAVA	20	33	+13	+65%
VANPARNICNO	1237	1325	+88	+7,11%
UKUPNO	6238	7185	+947	+15,18%

Tabela III.3. Poređenje broja riješenih predmeta

U 2025. godini došlo je do povećanja broja riješenih predmeta u odnosu na prethodnu godinu.

Pokrivenost priliva brojem riješenih predmeta u 2025. godini iznosila je 95,62%. Procentualna pokrivenost priliva brojem riješenih predmeta prikazana je u narednoj tabeli.

Referat	Priliv predmeta 2025	Broj riješenih predmeta 2025	Procentualna pokrivenost priliva brojem riješenih predmeta
IZVRŠNO	1397	1410	100,93%
KRIVICHNO	864	1039	120,25%
PARNICNO	1242	1325	106,68%
PREKRŠAJNO	2632	2046	77,73%
SUDSKA UPRAVA	30	33	110%
VANPARNICNO	1342	1325	98,73%
UKUPNO	7514	7185	95,62%

Tabela III.4 Pokrivenost priliva brojem riješenih predmeta

Predmeti koje sud duži, a koji nisu u CMS-u i nisu razmatrani u okviru protoka, priliva i broja riješenih predmeta u CMS-u su predmeti Odjeljenja za zemljišnoknjižne poslove i predmeti u SOKOP-Mal sistemu. Odjeljenje za zemljišnoknjižne poslove već duži period ima dostignutu dnevnu ažurnost, pa se po zahtjevima stranaka i predmetima primljenim u ovom odjeljenju postupa odmah po prijemu i u vrlo kratkim rokovima. Što se tiče predmeta iz SOKOP-Mal sistema sud je na početku izvještajnog perioda imao ukupno 28 neriješenih predmeta. U toku 2025. godine primljeno je 6 predmeta, sud je dakle imao ukupno 34 predmeta u radu u 2025. godini. Kako sud tokom 2025. godine nije riješio niti jedan predmet, na kraju izvještajnog perioda, na dan 31.12.2025. godine, preostalo je 34 neriješenih predmeta.

V - RAZLOZI ZA ZNAČAJNE PROMJENE U POVEĆANJU PRILIVA BROJA PREDMETA I SMANJENJA BROJA NERIJEŠENIH PREDMETA

U prethodnom poglavlju izvještaja dat je prikaz promjene broja neriješenih predmeta u toku 2025. godine, promjene broja primljenih predmeta u 2025. godini u odnosu na 2024. godinu, kao i promjene broja riješenih predmeta u 2025. godini u odnosu na 2024. godinu.

Iz prikaza protoka predmeta u 2025. godini (tabela III.1) može se vidjeti da je tokom izvještajnog perioda došlo do povećanja broja neriješenih predmeta u sudu. Međutim, razmotri li se promjena broja neriješenih predmeta po referatima, možemo vidjeti da je na prekršajnom i vanparničnom referatu došlo do povećanja broja neriješenih predmeta, dok je na izvršnom, krivičnom i parničnom referatu došlo do smanjenja broja neriješenih predmeta.

Povećanje broja neriješenih predmeta na prekršajnom referatu i vanparničnom leži na činjenici da je tokom 2025. godine usljed zdravstvenog stanja na krivičnom referatu zabilježena duža odsustva sudija (Fahrudin Šljivić 116 dana i sudija Mersiha Alić 91 dana). Također, duže odsustvo sudija zabilježeno je i na Građanskom odjeljenju, i to sudije Vesne Bešić 80 radnih dana.

Iz poređenja priliva predmeta u 2025. godini u odnosu na 2024. godinu (tabela III.2) može se vidjeti da je priliv predmeta u odnosu na prethodnu godinu povećan za 587 predmeta (8,47%). Povećanje priliva predmeta zabilježeno je na krivičnom, vanparničnom prekršajnom referatu i predmetima sudske uprave, dok je na ostalim referatima u odnosu na 2024. godinu došlo do smanjenja priliva.

Poređenjem broja riješenih predmeta u 2025. godini u odnosu na 2024. godinu (tabela III.3) dolazimo do zaključka da je u 2025. godini došlo do povećanja broja riješenih predmeta za 15,18%.

Pokrivenost priliva brojem riješenih predmeta u 2025. godini iznosila je 95,62% kako je to prikazano u tabeli III.4. Sud je u 2025. godini uspio riješiti više predmeta od broja primljenih predmeta na izvršnom, krivičnom i parničnom referatu i referatu sudske uprave, dok na ostalim referatima nije ostvarena pokrivenost priliva brojem riješenih predmeta.

VI - OSTVARENI REZULTATI U RADU NA STARIM PREDMETIMA

Kada su u pitanju rezultati suda ostvareni na rješavanju starih predmeta osvrnut ćemo se na Plan rješavanja predmeta za 2025. godinu.

Planom rješavanja predmeta za 2025. godinu bila su obuhvaćena ukupno **3294** predmeta, po referatima i starosnoj strukturi kako je prikazano u tabeli VI.1

REFERAT	Broj sudija koji su radili na predmetima iz plana na referatu	Predmeti inicirani 2024. godine	Predmeti inicirani 2023.-2022. godine	Predmeti inicirani 2021.-2010. godine	Predmeti inicirani 2019.-2016. godine	Predmeti inicirani 2015.-2011. godine	Predmeti inicirani 2010. godine i ranije	Ukupno predmeta u planu
IZVRŠNI	2,5	340	286	184	203	52	34	1099
KRIVIČNI	3	133	95	55	24	11	1	319
PARNIČNI	4,1	508	132	32	18	1	2	693

PREKRŠAJNI	2,1	882	190	2	2	0	0	1076
VANPARNIČNI	0,4	69	19	4	2	1	12	107
UKUPNO	12	1932	722	277	249	65	49	3294

Tabela VI.1. Broj predmeta obuhvaćenih Planom

U toku izvještajnog perioda (01.01.2025 do 31.12.2025) sud je riješio **2695** predmet iz Plana, odnosno Plan je na nivou suda u 2025. godini realizovan u postotku od **82,63%**. U tabeli VI.2 dat je prikaz realizacije Plana po starosnim kategorijama.

	Predmeti inicirani 2024. godine	Predmeti inicirani 2023.- 2022. godine	Predmeti inicirani 2021.- 2020. godine	Predmeti inicirani 2019.- 2016. godine	Predmeti inicirani 2011.- 2015. godine	Predmeti inicirani 2010. godine i ranije	Ukupan broj predmeta
Broj predmeta u planu	1932	722	277	249	65	49	3294
Neriješeni predmeti iz plana	324	123	50	33	31	15	566
Riješeni predmeti iz plana	1601	588	222	212	41	31	2695
% realizacije	83,15%	82,70%	81,62%	86,53%	50,0%	67,39%	82,63%

Tabela VI.2. Realizacija Plana po starosnim kategorijama

VII – OBRAZLOŽENJE RAZLOGA NEDOVOLJNOG BROJA PREDMETA U RADU SUDA ILI POJEDINIH SUDIJA

Tokom 2025. godine došlo je do povećanja broja neriješenih predmeta za 329 predmeta. U 2025. godini sve sudije zadužene su dovoljnim brojem predmeta neophodnim za ostvarenje propisane norme.

VIII - TRAJANJE POSTUPAKA

Prosječno trajanje riješenih predmeta u 2025. godini u Općinskom sudu u Živinicama je 317 dana, a u Odjeljenu suda u Kladnju 551 dana. Postupci su na izvršnom referatu u matičnom sudu u Živinicama trajali u prosjeku 442 dana, krivičnom 208 dana, parničnom 273 dana, prekršajnom 361 dana i vanparničnom 251 dana. U Odjeljenju suda u Kladnju postupci su u prosjeku trajali 403 dana na parničnom referatu, 689 dana na prekršajnom referatu i 414 dana na vanparničnom referatu.

Prosječno trajanje postupaka u 2025. godini rezultat je i nastojanja rješavanja najstarijih predmeta po starosti inicijalnog s ciljem skraćivanja prosječnog trajanja neriješenih predmeta.

IX - OSTVARENI REZULTATI U RADU NA PREDMETIMA RATNIH ZLOČINA

Općinski sud u Živinicama nema u radu predmete ratnih zločina.

X - OSTVARENI REZULTATI U RADU NA PREDMETIMA KORUPCIJE I ORGANIZOVANOG KRIMINALA

Na početku 2025. godine Općinski sud u Živinicama je imao ukupno 26 neriješena predmeta korupcije i organiziranog kriminala (19 predmet K, 3 predmeta K-Kbs, 5 predmet K-Kps, 1 predmet K-Iks i 1 predmet K-Kv). Do 31.12.2025. godine primljeno je 7 predmet (3 predmeta K-K, 1 predmet K- Kbs, 2 predmeta K-Kps, i 1 predmet K- Kv), riješeno je 16 predmeta (1 predmet K-Iks, 5 predmeta K-K, 2 predmeta K-Kbs, 6 predmeta K-Kps, i 2 predmeta K-Kv), a na dan 31.12.2025. godine sud ima 17 predmeta (14 predmeta K-K, 2 predmeta K-Kbs, 1 predmet K-Kps). U dva predmeta je postupak u fazi izradi odluke.

Prema Odluci predsjednice suda o rasporedu sudaca u Općinskom sudu u Živinicama za 2025. godinu na Krivično odjeljenje je bilo raspoređeno pet sudaca, s tim da je sudija Šljivić Fahrudin bio raspoređen na prekršajni referat do 03.10.2025. godine kada je Odlukom predsjednice suda pored prekršajnih zadužen i krivičnim predmetima. U toku 2025. godine sudija Fahrudin Šljivić je bio odsutan po osnovu bolovanja 116 radnih dana, zbog čega isti nije bio zadužen predmetima korupcije i organiziranog kriminala. Kako je sudiji Huseinu Džihanoviću prestao mandat zbog odlaska u penziju sa danom 28.10.2025. godine isti nije bio u toku 2025. godine zadužen predmetima korupcije i organiziranog kriminala.

Shodno navedenom u 2025. godini troje sudaca je na Krivičnom odjeljenju postupalo po krivičnim predmetima korupcije i organiziranog kriminala, do 06.10.2025. godine kada je sudija Adis Poljić zadužen sa dva predmeta korupcije i organiziranog kriminala.

Odlukom o rasporedu poslova sudija za 2026. godinu broj: 033-0-Su-26-000026 od 07.01.2026. godine na Krivično odjeljenje raspoređene su sudije Asmir Karić, Ibrahim Bubić, Mersiha Alić, Adis Poljić i Mina Gurda na krivični i prekršajni referat.

Na krivičnom odjeljenju su raspoređeni suci sa odgovarajućim iskustvom stečenim radom na krivičnim predmetima pa se potvrđivanju optužnica pristupa sa odgovarajućim stepenom kontrole, a ne strogo formalistički.

Na kolegiju predsjednika suda od 14.10.2022. godine donesen je Zaključak da se u krivičnim predmetima korupcije i organiziranog kriminala sa više optuženih i većim brojem dokaza prilikom zakazivanja glavnih pretresa usaglasi više uzastopnih termina sa što kraćim vremenskim razmacima između glavnih pretresa.

Na kolegiju predsjednika suda od 22.01.2024. godine donesen je Zaključak kojim se nalaže predsjedniku Krivičnog odjeljenja da periodično vrši analizu predmeta korupcije i organiziranog kriminala u smislu koliko sudije duže istih, te u skladu sa tim dostave eventualno prijedlog o nivelaciji broja tih predmeta po sudijama, kao i da prati rad sudaca po referatima korupcije i organiziranog kriminala, održavanja dinamike glavnog pretresa i odlaganje/odgađanje ročišta prema mjesečnoj evidenciji suda koja se vodi.

Na kolegiju predsjednika suda od 16.02.2024. godine donesen je Zaključak da predsjednica suda traži pismeno izjašnjenje za predmete u kojim nije zakazan glavni pretres, razloge, da se ukaže sudijama na obavezu prioritnog postupanja, kada planiraju zakazati pretres i da se izjasne o razlozima zašto je prošlo više od 30 dana između posljednjeg pretresa i ranijeg održanog.

Na kolegiju predsjednika suda od 16.02.2024. godine donesen je Zaključak kojim se nalaže sudijama sa krivičnog referata prioritarno postupanje po predmetima korupcije i organiziranog kriminala i isti se pozivaju da odmah u svim predmetima korupcije i organiziranog kriminala zakažu glavni pretres i održavaju dinamiku održavanja glavnih pretresa, kao i da sudije bez odlaganja poduzmu radnje u predmetima korupcije i organiziranog kriminala u kojim je prema evidenciji posljednje radnje sudije na dan 09.05.2024. godine prošlo više od 30 dana od posljednje radnje.

Na kolegiju predsjednika suda od 04.06.2024. godine donesen je Zaključak da sudije hitno, bez odlaganja, postupe i zakažu ročišta u predmetima korupcije i organiziranog kriminala i da u istim održavaju kontinuitet rada i glavnih pretresa.

Na kolegiju predsjednika suda od 23.07.2024. godine donesen je Zaključak kojim se nalaže sucima da hitno, bez odlaganja, postupe i zakažu ročišta u predmetima korupcije i organiziranog kriminala i da u istim održavaju kontinuitet rada glavnih pretresa.

Na stručnom kolegiju od 16.01.2024. godine donesen je Zaključak da sudije imaju obavezu poštivanja ranije donesenih zaključaka stručnog kolegija i kolegija predsjednika suda u vezi sa postupanjem u predmetima korupcije i organiziranog kriminala o prioritarnom postupanju u istim i dinamike održavanja glavnih pretresa, obavješćavanja predsjednice suda i predsjednika Krivičnog odjeljenja o odloženim i odgođenim pretresima i ročištima u predmetima korupcije i organiziranog kriminala.

Na stručnom kolegiju od 10.07.2024. godine donesen je Zaključak da sudije bez odlaganja zakažu ročišta-pretrese u predmetima korupcije i organiziranog kriminala, te da se zadužuje predsjednik Krivičnog odjeljenja da obavijesti predsjednicu suda da li je postupljeno po navedenom zaključku.

Na stručnom kolegiju od 05.05.2025. godine donesen je Zaključak da sudije sa krivičnog referata u krivičnim predmetima, a posebno u predmetima korupcije i organiziranog kriminala, te drugim složenim predmetima, a u skladu sa vlastitom procjenom zakazuju statusna ročišta u cilju efikasnijeg postupanja u predmetima.

Na stručnom kolegiju od 12.05.2025. godine donesen je Zaključak da suci u predmetima korupcije i organiziranog kriminala poštuju ranije donesene zaključke Stručnog kolegijuma o poštivanju dinamike održavanja pretresa jednom sedmično i o prioritarnom postupanju u predmetima ove vrste.

Na kolegiju predsjednika suda od 20.01.2025. godine donesen je Zaključak da se u predmetima korupcije i organiziranog kriminala održava dinamika glavnog pretresa, te da suci u skladu sa prostornim kapacitetima, obaveznom postupanja u drugim predmetima, glavne pretrese održavaju na način da se održava dinamika glavnih pretresa da u istima najmanje jednom sedmično održavaju glavne pretrese. Na istom kolegiju je donesen zaključak da se poštuju načelo ekonomičnosti i efikasnosti i da se u predmetima korupcije i organiziranog kriminala vodi računa o većoj koncentraciji dokaza na glavnim pretresima (izvođenje većeg broja dokaza na glavnim pretresima).

Na kolegiju predsjednika suda od 20.01.2025. godine donesen je Zaključak da sudije u predmetima korupcije i organiziranog kriminala postupaju ažurno, održavaju dinamiku glavnog pretresa u cilju bržeg okončanja ovih predmeta, da predsjednica suda pismeno od sudija za konkretne predmete korupcije i organiziranog kriminala traži da se odmah postupi po predmetima i da u istim sudije vode računa o održavanju dinamike glavnog pretresa, ažurnom postupanju radi bržeg završetka ovih predmeta, kao i da se izjasne o razlozima za nepostupanje. Na istom kolegiju

donesen je Zaključak da predsjednik krivičnog odjeljenja posebno vodi računa o ažurnom postupanju u predmetima korupcije i organiziranog kriminala.

Na kolegiju predsjednika suda od 20.01.2025. godine donesen je Zaključak da se u predmetima korupcije i organiziranog kriminala postupa prioritetno, da se održava dinamika glavnog pretresa u skladu sa zakonom propisanim rokovima, da se u svim predmetima bez odlaganja zakaže glavni pretres u kojima nije zakazan i da se poduzmu sve radnje kako bi se otklonile eventualne procesne smetnje za zakazivanje glavnog pretresa. Na istom kolegiju je donesen zaključak da se predsjednik Krivičnog odjeljenja zadužuje da redovno vrši analizu i praćenje postupanja sudaca u predmetima korupcije i organiziranog kriminala.

Predsjednica suda redovito na mjesečnom nivou prati da li su u predmetima korupcije i organiziranog kriminala zakazani glavni pretresi i da li se po ovim predmetima ažurno postupa o čemu se svaki mjesec izrađuje evidencija o predmetima korupcije i organiziranog kriminala sa posljednjom radnjom u predmetu.

Na efikasno suđenje u predmetima korupcije organiziranog kriminala, kao i drugim krivičnim predmetima sa više optuženih većim brojem svjedoka, oštećenih, branilaca i dr. negativno se odražava činjenica da Općinski sud u Živinicama raspolaže samo jednom većom sudnicom. Već ranije je od strane predsjednice suda ukazano da zgrada u kojoj se nalazi Općinski sud u Živinicama je građena 60-tih godina i da zgrada nije namjenski građena za potrebe suda, da su kancelarije u kojim se sudi male i nemaju kapacitet da prime više učesnika u postupku i da Općinski sud u Živinicama raspolaže samo jednom većom sudnicom u kojoj se moraju održavati sva suđenja sa krivičnog, parničnog i vanparničnog referata sa većim brojem učesnika u postupku, kao i u postupcima u kojima se vrši tonsko snimanje, a što u velikoj mjeri utiče na efikasno postupanje po predmetima korupcije i organiziranog kriminala. U vezi sa ovim kroz prijedloge budžeta i kroz zahtjeve za kapitalne izdatke Općinski sud u Živinicama je tražio planiranje sredstava za izgradnju nove zgrade. Zamolbom od 23.05.2022. godine predsjednica suda se obratila VSTV-u BiH da se razmotri mogućnost pokretanja i koordiniranja projekta za poboljšavanje uvijeta rada u Općinskom sudu u Živinicama (rekonstrukcija postojeće zgrade ili izgradnje nove zgrade suda).

U sudu se vodi evidencija o svim suđenjima zakazanim u velikoj sudnici u vidu tabele kojoj mogu pristupiti svi suci u cilju optimalne iskorištenosti velike sudnice.

Donesi se Tromjesečni plan rješavanja predmeta u kojim se postupa sa prioritetom, a kojim planom su obuhvaćeni i predmeti korupcije i organiziranog kriminala. Rješavanje tromjesečnih planovima se analizira svakog mjeseca na Kolegiju predsjednika suda sa predsjednicima sudskih odjeljenja i Stručnim kolegija, pa i postupanje po krivičnim predmetima korupcije i organiziranog kriminala, a u predmetima u kojim je zabilježeno duže vremensko nepostupanje sudije predsjednica suda traži pismeno izjašnjenje od sudija o razlozima dužeg nepostupanja po predmetu ili izdaje kroz CMS naredbu za postupanje.

Uvedena je praksa izrade analitičkih izvještaja svakog mjeseca o zadnjoj poduzetoj radnji sudaca u predmetima iz Tromjesečnih programa rješavanja predmeta, pa i u krivičnim predmetima korupcije i organiziranog kriminala sa vremenom koje je proteklo od poduzimanja posljednje radnje. Ovako izrađeni izvještaji dostavljaju se pojedinačno svim sucima kako bi se upoznali za vremenom koje je prošlo od zadnje poduzete radnje u predmetu. Na ovakav način predsjednica suda može imati uvida i pratiti rad po krivičnim predmetima korupcije i organiziranog kriminala, a sami suci mogu uvidjeti da li su u određenim predmetima aktivno postupali ili nisu.

Svaki mjesec se izrađuje evidencija o odloženim/odgođenim ročištima za svaki predmet korupcije i organiziranog kriminala (tabela za evidenciju ročišta u koju se unose podaci o ročištu, razlozi odlaganja/odgađanja). Ova evidencija se dostavlja predsjedniku Krivičnog odjeljenja i vrši se analiza ove evidencije svaki mjesec, te utvrđuju razlozi odlaganja/odgađanja ročišta i vremenski period između ročišta, a sve u cilju sprečavanja odlaganja ročišta iz neopravdanih razloga.

Prema izvršenoj analizi kaznene politike na dan 31.12.2025. godine utvrđeno je da je u 2025. godini doneseno u predmetima korupcije ukupno 5 osuđujućih presuda i 2 oslobađajućih presuda.

Predsjednica je donijela Odluku o formiranju Web uredništva u Općinskom sudu u Živinicama, a čiji je član predsjednik Krivičnog odjeljenja i koji ima zaduženja sa dostavlja informacije za objavljivanje na Web službenoj stranici Općinskog suda u Živinicama, vezano za krivične predmete koji su od posebnog značaja za javnost.

XI - ZAKLJUČNA ZAPAZANJA O RADU SUDA

Iz analize rada suda u toku izvještajnog perioda zapaža se nekoliko ključnih činjenica.

- Općinski sud u Živinicama ostvario je propisanu kolektivnu godišnju normu i ista iznosi 102,24%.
- Od ukupno 13 nosilaca pravosudnih funkcija u 2025. godini njih 3 nisu ostvarili propisanu godišnju normu. Razlozi iz kojih norme nisu ostvarene dati su u poglavlju II ovog izvještaja.
- Realizacija plana rješavanja predmeta za 2025. godinu iznosi 82,63%.
- Kvalitet sudskih odluka u 2025. godini iznosi 91,14 % i nešto je veći u odnosu na prošlu godinu
- Prosječna starost nosilaca pravosudnih funkcija izrazito je visoka.
- U 2025. godini izražena su bila opravdana odsustva nosilaca pravosudnih funkcija po osnovu bolovanja (ukupno 391 radni dan)
- Popunjenost sistematizacije namještenika je na zadovoljavajućem nivou, ali je prosječna starost namještenika izuzetno visoka. Većem broju namještenika ostao je kraći period do stupanja u penziju, za određen broj namještenika nadležne institucije donijele su rješenja o određenom stepenu invalidnosti ili smanjenoj sposobnosti za rad, pa rad namještenika u ovakvim okolnostima nije dovoljno efikasan i ne daje potreban učinak.
- Materijalni status suda ne može se ocijeniti zadovoljavajućim. Uslovi u kojima se rad odvija ne mogu se ocijeniti zadovoljavajućim.
- U izvještajnom periodu došlo je do povećanja broja neriješenih predmeta za 329 predmeta i to na prekršajnom i vanparničnom referatu.
- Priliv predmeta uvećan je u izvještajnom periodu u odnosu na 2024. godinu za 8,47% (sa 6927 na 7514 predmeta). Rast priliva predmeta zabilježen je na krivičnom, prekršajnom i vanparničnom referatu, dok je na ostalim referatima u odnosu na 2024. godinu došlo do smanjenja priliva.
- Broj riješenih predmeta veći je u izvještajnom periodu u odnosu na 2024. godinu za 15,18 % (sa 6238 na 7185 predmeta).
- U svim predmetima korupcije su kontinuirano poduzimane radnje od strane sudija.
- U toku izvještajnog perioda u 8 krivičnih predmeta nastupila je zastara,

XII – INFORMACIJA O PRIMJENI SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA U PRAVOSUDNIM INSTITUCIJAMA U BIH

U pogledu primjene smjernica za prevenciju seksualnog i rodno zasnovanog uznemiravanja u pravosudnim institucijama u BiH, prema evidenciji savjetnika, u 2025. godini nisu evidentirane prijave unutar ove institucije o ponašanjima koja bi se eventualno mogla okarakterisati kao čin seksualnog i rodno zasnovanog uznemiravanja. Lična opažanja savjetnika su takva da ukazuju na zaključak da su ponašanja uposlenika ostala nepromijenjena, korektna, kao i daje pozitivnije shvatanje problematike kojom se ova oblast bavi.

Tokom izvještajnog perioda uposlenicima suda se konstantno ukazivalo na značaj shvatanja međusobnih odnosa, različitosti karaktera, kao i mogućih posljedica nedozvoljenih postupanja, te na ulogu i značaj savjetnika kojem se pojedinci, u slučaju kršenja njihovih prava, mogu obratiti.

XIII-INFORMACIJA O AKTIVNOSTIMA, PODUZETIM U CILJU IMPLEMENTACIJE STRATEGIJE ZA UNAPREĐENJE RODNE RAVNOPRAVNOSTI U PRAVOSUĐU BIH, I POSTIGNUTIM REZULTATIMA

Općinski sud u Živinicama je donio Akcioni plan za realizaciju Strategije za unapređenje rodne ravnopravnosti u pravosuđu Bosne i Hercegovine u Općinskom sudu u Živinicama za period od 2025 – 2027 godina br. 033-0-Su-25-000062-1 od 22.01.2025. godine, a koji plan je usvojen od strane VSTV-a BiH dana 20.02.2025. godine. Akcionim planom za implementaciju Strategije za unapređenje rodne ravnopravnosti u pravosuđu BiH u Općinskom sudu u Živinicama za 2025. godinu predviđene su tri aktivnosti koje su tokom 2025. godine i provedene, a godišnji izvještaj – obrazac za praćenje primjene akcionih planova za implementaciju Strategije za unapređenje rodne ravnopravnosti u pravosuđu u BiH, Općinskog suda u Živinicama dostavljen je VSTV-u dana 30.01.2026. godine.

XIV-INFORMACIJA O ODRŽANIM SASTANCIMA SA NOTARIMA

Predsjednica suda je dana 28.04.2025. godine održala sastanak sa nadležnim notarima radi analize rješavanja ostavinskih predmeta Općinskog suda u Živinicama, detektiranja problema u radu notara i postupanja po Zaključku VSTV BiH br. 06-50-2-1389-91/2022 od 27.12.2022. godine. Zapisnik broj: 033-0-Su-25-000283 od 28.04.2025. godine.

XV - PLANIRANE MJERE ZA POBOLJŠANJE STANJA U SUDU

U cilju poboljšanja stanja u sudu i postizanja boljih rezultata rada, u narednom periodu poduzet će se sve aktivnosti za koje se procijeni da su od interesa za poboljšanje rezultata rada, među kojima:

- redovno će se analizirati ostvarenje radnih učinaka (rješavanje starih predmeta i predmeta redoslijedom prijema, realizacija Plana rješavanja predmeta, poštivanje zakonskih rokova za postupanje u predmetima, poštivanje rokova za zakazivanje ročišta, blagovremenost u izradi odluka, itd.)
- nastaviće se sa praksom izrade Tromjesečnih planova rješavanja predmeta u kojima se postupa sa prioritetom. Tromjesečnim planovima rješavanja predmeta identifikuju se najstariji predmeti iz plana rješavanja predmeta za 2024. godinu, predmeti u kojima je prvostepena odluka ukinuta od strane suda više instance i postupak vraćen prvostepenom sudu na ponovno odlučivanje, predmeti u kojima je pred Ustavnim sudom BiH pokrenut postupak zbog povrede prava zagaranovanih Ustavom (apelacije), predmetima korupcije i

organiziranog kriminala, složeni, naročito složeni i obimni predmeti na krivičnom referatu (predmeti u kojima je određen pritvor ili su izrečene mjere zabrane, predmeti u kojima je veći broj optuženih, veći broj svjedoka i veliki broj dokaza za izvođenje predloženih na optužnici), predmeti u kojima se optuženi terete za počinjeno krivično djelo iz člana 208. Bludnje radnje i 222. Nasilje u porodici Krivičnog zakona FBiH, predmeti parničnog i vanpraničnog referata u kojima se postupak vodi radi razvoda braka u kojem su stečena malodobna djeca, izmjene odluke o povjeravanju djeteta, oduzimanje prava roditelju da živi sa djetetom, oduzimanja i vraćanja roditeljskog staranja, određivanja staranja o djetetu, izdržavanja djece, određivanja neposrednih kontakata djeteta sa roditeljem sa kojim ne živi, održavanja neposrednih kontakata sa malodobnim djecom i oduzimanja i vraćanja poslovne sposobnosti, predmeti izvršnog referata u kojima se izvršenje provodi na nepokretnostima, radi ispražnjenja i predaje nepokretnosti, diobom stvari, predmeti izvršnog referata u kojima se izvršenje provodi radi predaje djeteta, radi ostvarenja održavanja odnosa i neposrednih kontakata s roditeljem i radi izdržavanja djeteta, predmeti prekršajnog referata u kojima je obzirom na vrstu zahtjeva kojim se postupak pokrenut neophodno postupiti bez odlaganja (povrat u predašnje stanje po prekršajnom nalogu, postupci lišenja slobode zbog neplaćene kazne i sl.) i drugi predmeti u kojima je, obzirom na vrstu i predmet spora, izvjesno da će se postupak dugo trajati), a sve u cilju kontinuiranog praćenja rješavanja ovakvih predmeta.

- redovno će se analizirati postupanje sudija po predmetima na osnovu mjesečne evidencije posljednje radnje suca u predmetu i izdavati pismene naredbe za hitno postupanje u predmetima gdje je zabilježena duža neaktivnost suca.
- redovno će se izrađivati evidencija o odloženim/ odgođenim ročištima, a posebno u predmetima korupcije i organiziranog kriminala.
- provođenje mjera iz Akcionog plana VSTV-a BiH za predmete korupcije i organiziranog kriminala,
- mjere za unapređenje unutrašnje organizacije rada suda,
- mjere za unapređenje materijalno-tehničkih uslova rada,
- mjere koje će doprinijeti profesionalizmu i nezavisnom radu,
- nastaviće se koordinirati aktivnosti ka izgradnji nove zgrade suda.

Predsjednica suda
Mirjana Kulić

